

41. aðalfundur Landssambands smábátæigenda

Tillögur frá allsherjarnefnd til aðalfundar

Efnisyfirlit

<i>Tilboð til stjórnvalda.....</i>	<i>2</i>
<i>Byggðakvóti</i>	<i>2</i>
<i>Byggðaaðgerðir.....</i>	<i>2</i>
<i>Línuívilnun.....</i>	<i>2</i>
<i>Flotvörpuveiðar</i>	<i>3</i>
<i>Tog- og dragnótaveiðar</i>	<i>3</i>
<i>Handfæraveiðar</i>	<i>3</i>
<i>Rannsóknir á lífríkinu, veiðarfærum og stofnunum</i>	<i>3</i>
<i>Lög um stjórn fiskveiða og reglugerðir</i>	<i>4</i>
<i>Umhverfisívilnun</i>	<i>5</i>
<i>Ýmislegt</i>	<i>5</i>

Tilboð til stjórnvalda

- Aðalfundur LS geri stjórnvöldum tilboð í 30.000 tonn af þorski veiddum utan strandveiða og greiði fyrir það 4 milljarða. Greiðslan dragist af bátum við löndum á fiskmarkaði eða í gegnum fiskmarkaði. Fyrir meðafla greiðist 25% af nettó verðmæti.

Byggðakvóti

- Aðalfundur LS leggur til að byggðakvótar verði notaðir til strandveiða.
- Aðalfundur LS leggur til löndunarívilnun þannig að byggðakvóta verði úthlutað sem ívilnun við löndun og gildi fyrir línu- og handfærabáta undir 30 brt. Jafnframt að meiri afli fari til strandveiða. Það er skoðun félagsins að með þessu nýtast heimildirnar hinum dreifðu byggðum á gegnsæjan hátt.

Byggðaaðgerðir

Aðalfundur LS vill hækka heimildir til byggðaaðgerða í þorski úr 5,3% hlutdeild af leyfilegum heildarafla í 8%, með því væri hægt að tryggja línuívilnun, byggðakvóta og 48 daga til strandveiða. Útfærslu yrði breytt þannig að helmingur kæmi með 4% í stað 5,3%. Til viðbótar kæmi 4% álag á ráðgjöf Hafrannsóknastofnunar. L S telur ekki réttlátt að skerða útgerðir landsins og leggur því til að þessi leið verði farin.

Aðalfundur LS leggur til að skel og rækjubætur verði teknar af úthlutaðu aflamarki.

- Aðalfundur LS skorar á atvinnuvegaráðherra að lækka VS-afla prósentu í þorski úr 5 í 2,5 og nýta mismuninn til strandveiða. Miðað við 200 þúsund tonna afla myndu þannig bætast við 5.000 tonn til strandveiða.

Línuívilnun

- Aðalfundur LS leggur til að línuívilnun verði virkjuð þegar í stað og gildi frá 1. september eins og öll undanfarin ár frá því að hún var sett á. Jafnframt að hún gildi fyrir alla dagróðrabáta undir 30 tonn og að línuívilnun verði 30% á landbeitta línu og 20% á uppstokkaða línu í landi.
- Aðalfundur LS leggur til að línuívilnun nái til afla upp að 6 tonnum í róðri.

Flotvörpuveiðar

- Aðalfundur LS krefst þess að bannað verði að nota flotvörpu við veiðar á loðnu, síld og makríl í íslenskri landhelgi. Óumdeilt er að skaðsemi veiðarfærisins er fyrir hendi, t.d. ánetjast gríðarlegur fjöldi grásleppuseiða við veiðarnar. Við löndun er skaðinn skeður auk þess að í aflanum er fullvaxin grásleppa. Bent skal á að við flotvörpuveiðar á sl. fiskveiðiári var magn grásleppu í lönduðum afla alls 125 tonn, mun meira en úr botntrolli. Jafnframt er bent á að skipstjórar loðnuskipa gagnrýna notkun flottrolls við veiðarnar.

Tog- og dragnótaveiðar

- Aðalfundur LS krefst þess að ekki verði opnað fyrir dragnóta- og netaveiðar fyrir innan línu sem dregin er úr Selskeri norður af Grundarfirði í Selsker austan við Skor á Breiðafirði.
- Aðalfundur L S fordæmir notkun dragnótar inn í Faxaflóa og víðar inn á fjörðum og flóum. Fundurinn lýsir miklum áhyggjum af afleiðingum snurvoðar á hafsbotn og sandsílastofninn sem er gríðarlega mikilvæg fæða fyrir nytjastofna okkar.
- Aðalfundur L S leggur til að botntroll verði alfarið bannað innan 12 mílna frá landi. Sam.br. fjölrit Hafró 133 bls. 14.

Handfæraveiðar

- Aðalfundur L S leggur til að handfæraveiðar fái 30% ívilnun.
- Aðalfundur LS leggur til að handfæraveiðar smábáta verði undanþegnar hrygningarstoppi.
- Aðalfundur LS krefst frjálstra handfæraveiða.
- Aðalfundur LS krefst þess að ufsi veiddur á handfæri teljist ekki til kvóta.
- Aðalfundur LS krefst frjálstra færaveiða smábáta á makríl.

Rannsóknir á lífríkinu, veiðarfærum og stofnunum

- Aðalfundur LS leggur til að rannsakað verði lífvænleika fisks sem sleppt er við handfæra- og línuveiðar.
- Aðalfundur LS mótmælir harðlega rannsóknaveiðum Hafró síðastliðið vor í Eyjafirði. Þessar veiðar fóru fram að verulegum hluta í hrygningabanni, og tugum tonna af hrygnandi fiski mokað á land.

- Aðalfundur LS telur ljóst að vísindalegar forsendur veiðiráðgjafar Hafrannsóknastofnunar í öllum fiskitegundum hafi engan veginn staðist. Skorar félagið á stjórnvöld að láta fara fram úttekt á árangri stofnunarinnar síðustu áratugi. Þá telja samtökin að skilja eigi veiðiráðgjöfina frá gagnaöflun og rannsóknum með hliðstæðum hætti og gert var í dómskerfinu á sínum tíma.
- Aðalfundur LS skorar á stjórnvöld að auka rannsóknir á lífríki Breiðafjarðar, sérstaklega ef auka eigi nýtingu sjávargróðurs úr firðinum, og hvaða áhrif hún hafi á lífríki Breiðafjarðar og viðgang fiskiseiða.
- Aðalfundur LS hvetur umhverfisráðherra að beita sér fyrir því að gert verði umhverfismat á áhrifum veiðarfæra á sjávarbotn, lífríki sjávar og loftslagsins – kolefnisjöfnuð þess.
- Aðalfundur LS vill að ráðgjöf Hafró á aflamarki í grásleppu verði endurskoðuð þar sem grásleppa er flokkuð sem uppsjávarfiskur en mælingar gerðar með botntrolli.

Lög um stjórn fiskveiða og reglugerðir

- Aðalfundur LS vill að lögum um stjórn fiskveiða verði breytt þannig að flutningsréttur milli ára myndist við leigu á aflamarki.
- Aðalfundur LS hafnar því að netaveiðar aðrar en á hrognkelsi séu heimilaðar í krókaflamarki.
- Aðalfundur LS hafnar sameiningu aflamarks og krókaflamarks.
- Aðalfundur LS lýsir miklum áhyggjum vegna þess að búið er að heimila þorskanetaveiðar með 10 tommu möskva og farið er að nota mun dýpri net en áður.
- Aðalfundur LS mótmælir harðlega þeirri aðferðafræði sem viðhöfð hefur verið við útreikninga á meðafla í grásleppunet. Það er að segja uppreikning á fugli og sel úr veiðieftirlitsferðum Fiskistofu.
- Aðalfundur LS vill að handfæra- og línubátum verði heimilt að landa lúðu sem meðafla.
- Aðalfundur L S mótmælir harðlega reglugerðarbreytingu um fjölda krabbagilda í 2000 pr. bát.
- Aðalfundur L S leggur til að allur humar verður veiddur í gildrur á bátum undir 30 tonnum og 15 metrum.
- Aðalfundur L S mótmælir harðlega enn og aftur þeirri ákvörðun að loka svæðum að fengsælum miðum við grásleppuveiðar í Faxaflóa vegna æðarvarps.

- Aðalfundur L S leggur til að bann við notkun grásleppuneta hærri en 12 möskva taki ekki gildi á árinu 2026.
- Aðalfundur L S leggur til að leyfðar verði línuveiðar í svokölluðum keiluhólfum, þ.e. keiluhólfín í Lónsdýpi, Stokksnesi og Mýrargrunni. Félagsmenn telja að með þessu færi fram grisjun á afræningjum humars sem hafa til þessa verið óáreittir í fríju fæði í hinum mörgu keiluhólfum. L S telur að rök fyrir verndun keilunnar vera brostin og hvetur til að veiðar verði leyfðar á línu innan þessara hólfra. Jafnframt er vakin athygli á að humar veiðist ekki á línu og með þessum hætti er hægt að grísa burtu þorsk, keilu, löngu og náskötu auk fleiri tegunda sem eru grimmir afræningjar humars.
- Aðalfundur LS vill að dagróðrabátar verði undanþegnir því að halda afladagabók.

Umhverfisívilnun

- Aðalfundur LS krefst þess að við ákvörðun um leyfilegan heildarafla verði tekið tillit til umhverfisvænleika veiðarfæra. Auknar krókaveiðar gefi þannig tilefni til hækkunar á prósentu sem tekið er úr veiðistofni (aflaregla)
- Aðalfundur LS telur áriðandi, að teknu tilliti þess samfélags sem við byggjum og loftlagsmarkmiða stjórnvalda, að viðurkennt verði að veiðar með handfærum séu vistvænni en aðrar veiðar sem stundaðar eru hér við land. Jafnt og eigendur tvinn bíla eiga handfæraveiðar að njóta ívilnunar.

Greinargerð:

Veiðarnar eru stundaðar á tvinn bátum, þ.e. þeir hafa tvær aflrásir, önnur sem nýtir jarðefnaeldsneyti til keyrslu að og frá veiðistað og hin sem knúin er af orku frá rafgeymum sem nýtt er til veiða. Rafgeymar eru svo hlaðnir á keyrslu og með landrafmagni.

Ýmislegt

- Aðalfundur LS telur ástæðu til að leitað verði til samkeppniseftirlitsins og kannað hvort samráð sé milli fiskmarkaða í landinu.
- Aðalfundur LS leggur til að aflaregla verði hækkuð úr 20% í 25%.
- Aðalfundur LS styður hvalveiðar sem eðlilega nýtingu sjávarauðlinda.
- Aðalfundur LS vill til að fjarskiptasamband sé ávallt tryggt. Bæði VHS og GSM.

- Aðalfundur LS krefst þess að Samgöngustofa skýri opinberlega frá ástæðum fyrir sviptingu haffæriskírteina á annað hundrað báta. Hvaða ástæður liggi að baki, hvað hafi farið úrskeiðis og hvaða tillögur stofan hafi lagt til að bæta öryggi skoðana.
- Aðalfundur LS vill að bætt verði við endurvarpa á Reykjanesi á Þorbirni við Grindavík eða settur nýr í Eldey. Bæði fyrir AIS og VHF sendingar.
- Aðalfundur LS vill að leitað verði leiða til að minnka skoðunargjöld sem hafa vaxið mikið síðustu ár.
- Aðalfundur LS tilnefnir Grím Grétarsson sem hugmyndasmið fyrir LS. Kynningar verði hlaðnar jákvæðni sem sýni líf smábátaeigenda. Að selja hugmyndafræðina um 48 daga.
- Aðalfundur LS gerir kröfu til Samgöngustofu um auðveldari möguleika á lögskráningum farþega sem og annarra sem kunna einhverra hluta vegna að fara með skipi úr höfn.

Greinargerð: Samkvæmt lögum er fiskiskipi óheimilt að láta úr höfn nema að hafa alla um borð lögskráða. Helstu vandamál sem upp koma í þessu samhengi eru t.d. að koma á viðbótartryggingu fyrir fleiri á skipið. Þá er ekki hægt að lögskrá fólk sem ekki hefur íslenska kennitölu.